

Zločincu Krstiću odbijen zahtjev za puštanje na prijevremenu slobodu



Predsjednik Tribunala u Hagu (MICT) Carmel Agius odbio je mogućnost da ratni zločinac Radislav Krstić bude pušten na prijevremenu slobodu.

Kako je objavljeno, Agius je procijenio da “ne postoje osnovi da se razmotri takva odluka”.

– Nakon što sam pažljivo razmotrio predočene informacije, nisam uočio nikakve odgovarajuće ili posebne uvjete koji bi opravdali Krstićev izlazak na slobodu prije nego što odsluži minimalni broj godina na osnovu kojih bi stekao pravo na moguće ranije puštanje. Sudije koje su uključene u ovaj slučaj slažu se s mojom ocjenom – napisao je Agius.

On je dodao i da se o ovoj materiji može raspravljati tek od 22. marta 2022. godine.

Radislav Krstić bio je komandant Drinskog korpusa VRS. Prvo je osuđen na 46 godina robije i zbog genocida u Srebrenici. Žalbeno vijeće smanjilo mu je kaznu na 35 godina i djelimično izmijenilo prvostepenu presudu te su ga okrivili za pomaganje u izvršenju genocida.

Trupe SFOR-a ovog su zločinca uhapsile 2. decembra 1998. godine. Tokom suđenja u Hagu negirao je krivicu.

Zahtjev za njegovo prijevremeno puštanje stigao je od vlasti Poljske, u kojoj služi kaznu. Predsjednik MICT-a, međutim, jedini je ovlašten da ocijeni da li osnove za takvo nešto postoje ili ne.(v,tl)

Date: 11-09-2019